



Na osnovu člana 90. Statuta općine Ilidža - Prečišćen tekst („Službene novine Kantona Sarajevo“, broj 33/10, 18/16), Budžeta Općine Ilidža za 2021.godinu i člana 16. i 17. Odluke o izvršavanju Budžeta Općine Ilidža za 2021. godinu (“Službene novine Kantona Sarajevo”, broj:14/21) Općinski načelnik raspisuje

JAVNI POZIV

za dodjelu novčanih sredstava humanitarnim organizacijama/ neprofitnim organizacijama/ i udruženjima za 2021. godinu

I Predmet Javnog poziva je dodjela novčanih sredstava humanitarnim organizacijama/neprofitnim organizacijama i udruženjima u svrhu finansiranja /sufinansiranja projekata iz oblasti: rad sa osobama sa invaliditetom, socijalne usluge, unapređenje standarda ranjivih kategorija, prevencija bolesti ovisnosti, humanitarne djelatnost.

II Pravo učešća i pravo na dodjelu sredstava imaju registrovana udruženja i neprofitne organizacije, čiji su projekti iz oblasti koje su predmet Javnog poziva, a koja ispunjavaju opće i posebne kriterije iz Javnog poziva.

III Opći kriteriji:

- da je organizacija / udruženje registrovano za djelovanje na području općine Ilidža,
- da je realizacija projekata od interesa za građane općine Ilidža ili doprinosi razvoju i afirmaciji općine Ilidža i provode se na području općine Ilidža u oblastima socijalnih usluga, unapređenja standardaranjivih kategorija, prevencija bolesti ovisnosti i humanitarne djelatnosti,
- da postoji ekonomska i društvena opravdanost projekta koje udruženje predlaže i sprovodi,
- da je udruženje pozitivno poslovalo tokom prethodne godine,
- da je udruženje opravdalo utrošilo sredstava za projekte odobrene u prethodnoj godini;
- organiziranost i broj članova udruženja,
- Broj lica koja učestvuju u realizaciji projekta,
- Specifičnost potreba članova udruženja, odnosno populacije koju zastupaju.

IV Posebni kriteriji:

- mogućnost uključivanja invalidnih osoba u predloženi projekat,
- projekti čije su aktivnosti usmjerene na konkretne akcije i konkretne ciljne grupe u navedenim oblastima.



V Obavezna dokumentacija treba da sadrži sljedeće dokumente:

1. Projektni prijedlog (obrazac u prilogu javnog poziva),
2. Budžet projektnog prijedloga (obrazac u prilogu javnog poziva),
3. Plan aktivnosti (obrazac u prilogu javnog poziva),
4. Rješenje o registraciji udruženja/organizacije u BiH – zapodnosioca projekta/aplikanta i eventualne partnerenapjektu (kopija ovjerena od nadležne općinske službe),
5. Statut udruženja/organizacije – za podnosioca projekta i partnere na projektu (kopija ovjerena od strane nadležne općinske službe),
6. Identifikacijski broj – ID broj (kopija ovjerena od strane nadležne općinske službe),
7. Uvjerjenje o izmirenim poreskim obavezama i izmirenim porezima i doprinosima zaposlenika (original ili kopija ovjerena od strane nadležne općinske službe),
8. Izjava da udruženje/organizacija ima ili nema zaposlenika (ovjerena od strane nadležne općinske službe),
9. priložena kopija završnog godišnjeg finansijskog izvještaja organizacije za 2020. godinu (dokument Bilans stanja i bilans uspjeha) koji je ovjeren od strane nadležne agencije za finansijsko poslovanje i licenciranog i ovlaštenog računovođe (kopija ovjerena od strane nadležne općinske službe).

Dokumentacija se obavezno dostavlja na obrascima u prilogu ovog javnog poziva te ukoliko se isti ne dostave, aplikacija će se smatrati neurednom i neće se razmatrati.

VI Ostale napomene:

Odabrani projekti se moraju realizovati do 31.12.2021.godine.

Odabrani projekti se trebaju implementirati isključivo na području općine Ilidža, osim aktivnosti za koje ne postoje pretpostavke da se odvijaju na teritoriji općine, a čija su ciljna grupa građani općine.

Eliminatorni kriteriji:

- Organizacija nije dostavila finansijski i narativni izvještaj za odobrena sredstva u prethodnim godinama;
- Projekat nije urađen u skladu sa Javnim pozivom;
- Aktivnosti u projektu ne uključuju građane Ilidža;
- Organizacija nije dostavila potpunu dokumentaciju.

Neće se finansirati aktivnosti odobrenog projekta koje su provedene prije objave Javnog poziva.

Grantom koji se dodjeljuje u okviru ovog poziva mogu se finansirati administrativni troškovi i troškovi osoblja u maksimalnom iznosu od 30% od zahtijevanog iznosa (Budžetske stavke: 1. Ljudski resursi, 2. Putovanje/prevoz i 3. Uredski troškovi). Ostatak finansijskih sredstava trebalo bi predvidjeti za programske aktivnosti projekta (Budžetske stavke: 4. Projektni troškovi, 5. Vidljivost, 6. Ostali troškovi – indirektni troškovi), od kojih se do maksimalnih 5% može predvidjeti za ostale (indirektne) troškove.



Općina Ilidža zadržava pravo da ne dodijeli sva dostupna finansijska sredstva.

NAČIN PODNOŠENJA PRIJAVA I OCJENA APLIKACIJA

Obrasci u sklopu Javnog poziva se mogu preuzeti u Centru za pružanje usluga građanima u Općini Ilidža (Info desk), u ulici Butmirska cesta 12 ili putem web stranice: www.opcinailidza.ba.

Ovaj javni poziv objaviće se na web stranici Općine Ilidža i u dnevnom listu „Dnevni avaz“ u formi obavještenja.

Rok za predaju aplikacija je 15 (petnaest) dana od dana objavljivanja .

Prijavu na Javni poziv (sa kompletnom zahtijevanom dokumentacijom) obavezno dostaviti u dva (2) primjerka u štampanoj formi u zatvorenoj koverti na protokol u Centru za pružanje usluga građanima u Općini Ilidžaili preporučenom poštom na adresu Butmirska cesta 12,sa obaveznom naznakom „ **Za Javni poziv za dodjelu novčanih sredstava humanitarnim organizacijama/ neprofitnim organizacijama/ udruženjima za 2021.godinu – NE OTVARAJ**“.

Napomena:

Sve kopije dokumenata potrebno je ovjeriti kod nadležne općinske službe, a obrasci moraju biti potpisani od strane osobe ovlaštene za zastupanje aplikanta u pravnom prometu i ovjerene pečatom aplikanta.

Dokumentaciju koja se dostavlja na javni poziv potrebno je dostaviti redosljedom, numerisati i uvezati na način da nije moguće izuzeti bilo koji dokument koji je dostavljen u aplikaciji.

Ocjenu i odabir projekata izvršit će komisija koju će imenovati Općinski načelnik.

Neblagovremene, nepotpune i neuredne prijave neće biti razmatrane.

Nakon donošenja Odluke o raspodjeli sredstava sa aplikantima se zaključuju ugovori koji sadrže prava, obaveze i odgovornosti ugovornih strana.

SVE INFORMACIJE I OBAVJEŠTENJA U VEZI OVOG JAVNOG POZIVA ĆE BITI OBJAVLJENE NA ZVANIČNOJ WEB STRANICI OPĆINE ILIDŽA TE UČESNICI PO OVOM JAVNOM POZIVU NEĆE BITI POJEDINAČNO OBAVJEŠTAVANI.

Sve dodatne informacije u vezi sa učešćem na Javni poziv mogu se dobiti putem kontakt telefona: **033/775-662 i 033/775-664.**

OPĆINSKI NAČELNIK

Nermin Muzur, magistar uprave

